



Posbus 7113, Newtonpark, 6055
Telefoon (041) 3651233
h/v Willetstraat en 4de Laan, Newtonpark, 6045
E-pos: admin@lnpark.co.za /

'n Blink toekoms begin hier!

NUUSBRIEF 20

7 Junie 2024

UIT DIE KANTOOR

Geagte Ouers

RAPPORTE

Die kwartaal gaan ons weer **die rapporte** op Vrydag, 14 Junie 2024 **vir elke kind gee om huis toe te neem**. Maak dus seker, u vra u kind vir sy/haar rapport. Indien u kind nie dié Vrydag hier is om sy/haar rapport te ontvang nie, moet u skriftelik met die klasonderwyser reël dat iemand anders dit kom **afhaal na 10:00 wanneer leerlinge die dag verdaag. Die rapporte sal net tot 11:00 beskikbaar wees.**

ONDERSTEUNERSHEMDE

Ons wil al ons ouers aanmoedig om vir u Laerskool Newtonpark-ondersteunershemde aan te skaf. U kan by ons klerewinkel kom aanpas, dan doen ons bestellings.

MNR. EN MEJ. LAERSKOOL NEWTONPARK: 12 – 13 JUNIE

Inskrywings vir Mnr. en Mej. Laerskool Newtonpark is steeds oop. Alle leerlinge kan so spoedig moontlik inskryf. Leerlinge neem deel in een van vier kategorieë volgens grade. nl. graad. R, graad 1 - 3, graad 4 – 6 en graad 7. Inskrywingsfooi beloop R50 per leerling. Verdere inligting sal aan deelnemende leerlinge deurgegee word. **Let wel: Daar is geen bespreekte plekke beskikbaar nie. Kaartjies beloop R50 vir volwassenes en R30 vir laerskoolleerlinge en kan direk by die kantoor aangekoop word.**

VAKANSIENASORG: JUNIE/JULIE 2024

Ons bevestig dat die vakansie-nasorg wel in Junie-vakansie voortgaan.

Die tydperk is:

- 1. Dinsdag, 18 Junie 2024 tot Vrydag, 28 Junie 2024 (9 dae). (Skole sluit Vrydag, 14 Junie 2024 en heropen Dinsdag 9 Julie 2024)**
- U moet asseblief ook onderneem om die nasorgtye nl. 07:15-17:30, stiptelik te eerbiedig.

Die tarief beloop R90 per dag, per kind, en R810 vir 1 kind vir die 9 dae. Die bedrag vir 2 kinders is R1570 vir die 9 dae, en is vir die volle tydperk, vooruitbetaalbaar.

Daar is beperkte spasie. Sperdatum vir aansoeke is Donderdag, 6 Junie 2024.

Indien u nog graag van die vakansienasorg gebruik wil maak, e-pos Mev. Laas by fin@lnpark.co.za

FACEBOOK BLAD: SKOOLKLERE

Die facebook-groep, SKOOLKLERE - Laerskool Newtonpark, bestaan steeds en dit is lekker besig daarop. Maak gerus van die gerief gebruik as u van skoolklere wil ontslae raak wat te klein geword het vir u kinders.

LAERSKOOL NEWTONPARK FACEBOOKBLAD

Besoek gerus ons skool se amptelike facebookblad, @LaerskoolNewtonpark.co.za, die blad se profielfoto is die skoolwapen. Dis lekker om na foto's te kyk en met ons leerlinge te spog. Bly ook op hoogte met die nuutste gebeure.

TOELATING 2025: GRADE R tot 7 (BESTAANDE OUERS)

Die personeelvoorsiening van die Laerskool Newtonpark is afhanklik van ons jaarlikse inskrywings. Die skool moet ook jaarliks hierdie statistiek aan die Departement van Onderwys bekend maak.

Ons versoek ons bestaande ouers om ons so spoedig moontlik in kennis te stel indien u 'n kind vir graad R en 1 in 2025 wil inskryf. Ons wil graag ons huidige ouers voorkeur gee om u ander kind ook by ons in te skryf.

Ons sal dit waardeer indien u ons skool by u familie, vriende en ander bekendes aanbeveel.

GESIGMASKERS

As gevolg van die erge griep wat die rondte doen, mag leerlinge weer maskers skool toe dra as die ouers so voel. Ons wil ouers aanmoedig om materiaalmaskers met die skool se wapen op, teen R30 aan te koop. Die gewone maskers wat u in die winkel koop, hou eenvoudig nie en ons kan nie bekostig om gebreekte maskers te vervang nie. Deur twee lapmaskers aan te koop kan u die probleem van gebreekte maskers oorkom. Bestellings kan per e-pos na: klere@lnpark.co.za gestuur word indien u sou belangstel.



VERLORE GOEDERE

Daar is geweldig baie ongemerkte, verlore goedere. Ouers moet asseblief gereeld alle klere, skoene, kosblikke, bottels en skryfbehoeftes duidelik merk. Verlore goedere kan per afspraak voor die skool se klerewinkel besigtig word. Alle items wat teen die einde van die kwartaal oorbly sal vir minder bevoorregtes geskenk word.

SKOOLGELDE 2024

Die volgende wyses van betaling is beskikbaar: **maandelikse debietorder** oor 10 of 11 maande. (Januarie/Februarie – November en is opbetaalbaar voor/op 30 November 2024. 'n Debietorder kan slegs op 'n tjek-/spaar-/transmissierekening ingestel word.) U mag ook die **skoolgelde EFT**. Ons beskik ook oor 'n **kaartmasjien** by die skool wat u kan gebruik.

Op die verwysing van die inbetaling moet u asseblief die rekeningnommer en u kind se van en naam verskaf, en u bewys van betaling aan fin@lnpark.co.za e-pos.

Alle graad R-gelde is maandeliks vooruitbetaalbaar en nasorggelde is kwartaalliks streng vooruitbetaalbaar. Geen verligting word ten opsigte van hierdie dienste toegestaan nie, aangesien hierdie aktiwiteite deel van die skool se vrywillige program is.

Die betaling van skoolgelde is 'n wetlike verpligting (Staatskoerant no. 29311). Indien u in gebreke bly om u skoolgelde te betaal, sal dit wetlik afgedwing word.

ELEKTRONIESE BETALINGS

Op die verwysing van die inbetaling moet u asseblief die rekeningnommer en u kind se van en naam verskaf. U moet ook die bewys van betaling per e-pos aan fin@lnpark.co.za stuur.

REKENINGNAAM	LAERSKOOL NEWTONPARK
BANK	ABSA
REKENINGNOMMER	1400490089
TAKKODE	632005

GEDAGTE VIR DIE WEEK



Geniet die naweek saam met jul kinders.

SKOOLHOOF

E-pos: skoolhoof@lnpark.co.za

Tel : 0846935318

ALGEMEEN

BELANGRIKE DATUMS VIR VOLGENDE WEEK:

Die volgende datums moet u asseblief op u kalender aanteken:

- Ma – 10 Junie : Klerewinkel: **07:30 tot 12:00**
Bybelkennis
Leesreuse-balkies inhandig
- Di – 11 Junie : Senior Koor: **07:25 tot 08:00**
Kuns graad 2 en 3 : **14:00 tot 15:15**
Kuns graad 4 : **14:15 tot 15:30**
Kuns graad 5 tot 7 : **14:15 tot 15:30**
- Wo – 12 Junie : Junior Koor : **07:30 tot 08:00**
Klerewinkel : **12:00 tot 14:00**
Eietydse Geskiedenis
Mnr. en Mej. LNP (graad R tot 3)
- Do – 13 Junie : Kuns graad 5 tot 7 : **14:15 tot 15:30**
Mnr. en Mej. LNP (graad 4 tot 7)
- Vr – 14 Junie : Klerewinkel: **07:30 tot 12:00**
Deel rapporte uit vir graad R tot 7
SKOOL SLUIT 10:00

SPORT EN KULTUUR

SWEM

Mia Strydom in graad 7D se swemklub, Infinity swimming academy het hulle jaarlikse prysuitdeling op 25 Mei gehou waar sy die skild vir "most outstanding performance Level 2 Gala" ontvang het. Baie geluk, Mia!



BINNEHUISE KRIEKET

Jayden Gouws in graad 5D en sy spanmaats (Wicket Warriors) het Vrydag 31 Mei aan die o/12 binnehuisse krieket junior liga kampioenskap eindstryde vir 3de plek (brons) deelgeneem en met 18 lopies gewen. Baie geluk, Jayden!

